


Das Capellen füller A. Das Capellen füller vnder über sich fert B.
Der stössel C. Seinbückle D. Der ander stössel E.



Vonn disen dingē seye bisshar gnüg gsagt/nuhn will ich sagen wie man die probierung vorbereitten solle. Aber die metallē werden vorbereit/mitt brennē/rösten/puchen/waschen/man müß aber des ärzes ein gewüß gwicht nemmen/das man wissen möge/wie viel teill solche vorberietung des ärzes verzert hatt. Aber es wirt ein vester stein mitt dē metall gebrande/das er so im die veste gnō men ist/möge panchett vnd gwaschen werden. Der aller vhesē aber eb er gebrät wirt/müß er mitt essig begossen werden/das er vom feur dester belder weych werde. Aber ein weicher stein ist erstmalen mitt eim feustell zū brechen/darnach in eim mörser zū pauchen vnd in ein puluer zū bringē/darnach zū waschen/als dañ widerumb züröctnenn/wan aber die erde mit dem ärz vermenget ist/so wirt sie im trog gewaschen/vn das das sich am boden gsetzt hatt/wirt aufgetrocknet vnd probiert/dañ alle ding/die man auf der erdengrebt/vnd waschet müß man vorhin tröctnē. Aber ein gang/der reich von metall ist/des ärz wirt nicht gebrendt/noch gepauchet/noch gewaschen/sond allein gröschtet/damit dem ärz mit solchen weisen vor zubereiten/nichts abgange. Man röstet aber das ärz in eim töpffe/feur darund gethon/das mit leim wol verklebt ist/aber ein schlächt ärz wirt auf dē herdt geröst/vn auf die glüt glegt/dañ wir leide nicht grossen schadē so wir etwas auf dē selbigen verlieren. Aber von allen denē dingē/wie das ärz zū preparieren seye/will ich ein wenig hernach/vnd im folgenden büch weittleufiger sagen vnd disputieren/jegzunder hab ich mir fürge nommen diseding zū erklären/welche die bergkleut zū setze heissendt/das sie dem ärz zū gethon werden/nicht allein dassellbig zū probieren/sond auch zuschmelzē/in welchen ein grosse krafft vnd tugende gschē wirt/aber wir gspürē nicht/dz aller deren ein gleicher effect seye/vnd etlichen ist jr nataur vñ krafft viel vñ mancherley/dañ wan sie mit dem ärz vermengt in dem probier/oder schmelzē offen gschmelzt werden/auss ihē seindt etliche/dieweil sie leichtlich flüssig/diese etlicher massen flüssig machēdt/andere aber das sie eintwedes das ärz erhitzē gen/oder in das selbige durchs feur hin ein dringē/thündt sie grosse hilff darzū/das unsauber von dem ärz zū scheiden/vnd so es flüssig ist worden/vermischtendt sie es mit dē plei/zum teill erhalten sie es vom feur/welcher metall eintwedes